

বাংলাদেশ পশু ও পশু জাত পণ্য সজ্ঞানিরোধ আইন, ২০০৫ ও প্রস্তাবিত সংশোধনীর তুলনামূলকবিবরণী

বাংলাদেশ পশু ও পশু জাত পণ্য সজ্ঞানিরোধ আইন, ২০০৫	প্রস্তাবিত সংশোধনী
পশু রোগের প্রাদুর্ভাব ও বিস্তার রোধকল্পে এবং জনস্বাস্থ্য রক্ষার প্রয়োজনে পশু ও পশুজাত পণ্যের সজ্ঞানিরোধ, আমদানি ও রপ্তানি নিয়ন্ত্রণ এবং আনুষঙ্গিক বিষয়াদি সম্পর্কে প্রণীত আইন	
যেহেতু পশু রোগের প্রাদুর্ভাব ও বিস্তার রোধকল্পে এবং জনস্বাস্থ্য রক্ষার প্রয়োজনে পশু ও পশুজাত পণ্যের সজ্ঞানিরোধ, আমদানি ও রপ্তানি নিয়ন্ত্রণ এবং আনুষঙ্গিক বিষয়াদি সম্পর্কে বিধান করা সমীচীন ও প্রয়োজনীয়; সেহেতু এতদ্বারা নিম্নরূপ আইন করা হইল:-	
সংক্ষিপ্ত শিরোনামা ও প্রবর্তন	
১। (১) এই আইন বাংলাদেশ পশু ও পশুজাত পণ্য সজ্ঞানিরোধ আইন, ২০০৫ নামে অভিহিত হইবে।	১। (১) এই আইন বাংলাদেশ পশু ও পশুজাত পণ্য সজ্ঞানিরোধ আইন, ২০০৫ (সংশোধন) নামে অভিহিত হইবে। (২) এই আইন অবিলম্বে কার্যকর হইবে।
(২) এই আইন অবিলম্বে কার্যকর হইবে।	
২। সংজ্ঞা।- বিষয় বা প্রসঙ্গের পরিপন্থী কিছু না থাকিলে, এই আইনে-	
(ক) “আমদানি” অর্থ কোন পশু বা পশুজাত পণ্য জল, স্থল ও আকাশপথে বাংলাদেশে আনয়ন;	
	(কক) উপযুক্ত কর্তৃপক্ষ (Competent Authority) অর্থ এই আইনের উদ্দেশ্য অর্জনে মহাপরিচালক কর্তৃক প্রদত্ত ক্ষমতা সম্পন্ন নবম বা তদূর্ধ্ব গ্রেডের যে কোন কর্মকর্তা।
(খ) “উপযুক্ততা সনদ” অর্থ কোন পশুজাত পণ্য মানুষ বা পশুর খাদ্য বা ব্যবহারের উপযুক্ততা সম্পর্কে সজ্ঞানিরোধ কর্মকর্তা কর্তৃক ইস্যুকৃত উপযুক্ততা সনদ;	
(গ) “নির্ধারিত” অর্থ বিধি দ্বারা নির্ধারিত;	
(ঘ) “পশু” অর্থে নিম্নবর্ণিত সকল ধরনের পশু অন্তর্ভুক্ত হইবে, যথাঃ- (অ) মানুষ ব্যতীত সকল স্তন্যপায়ী প্রাণী; (আ) পাখি; (ই) সরীসৃপ জাতীয় প্রাণী; (ঈ) মৎস্য ব্যতীত অন্যান্য জলজ প্রাণী; এবং (উ) সরকার কর্তৃক সরকারী গেজেটে প্রজ্ঞাপন দ্বারা ঘোষিত অন্য কোন পশু	(ঘ) “পশু” অর্থে লিঙ্গ বা প্রজাতি বা বয়স যাহাই হউক নিম্নবর্ণিত পশু অন্তর্ভুক্ত হইবে, যথাঃ- (অ) গবাদিপশু (Large ruminant) যথা, গরু, মহিষ, গয়াল ও উট; (আ) ছাগল জাতীয় (Small ruminant) যথা, ছাগল, ভেড়া ও দুগা; (ই) মুরগি জাতীয় (Fowl) মুরগি, টার্কি, কোয়েল, কবুতর ও উটপাখি; (ঈ) হাঁসজাতীয় (Anatidae) যথা, হাঁস ও রাজহাঁস; (উ) ঘোড়াজাতীয় (Equine) যথা, ঘোড়া ও গাধা; (ঊ) পোষাপ্রাণী (Pet) যথা, বিড়াল, কুকুর, খরগোশ, টিয়া, শালিক, ময়না এবং সরকার ঘোষিত অন্য কোন বাহারি পাখি (ornamental

	birds); (এ) সরকার কর্তৃক গেজেট বিজ্ঞপ্তির মাধ্যমে ঘোষিত (অ) হইতে (উ)তে উল্লিখিত পশু ব্যতীত অন্য যে কোন পশু।
	(ঠঠ) প্রধান সজ্জনিরোধ কর্মকর্তা” অর্থ প্রাণিসম্পদ অধিদপ্তরের মহাপরিচালক বা যদি মহাপরিচালক ভেটেরিনারিয়ান না হইয়া থাকেন তবে সরকার কর্তৃক ক্ষমতাপ্রাপ্ত অধিদপ্তরের যে কোন পরিচালক যিনি ভেটেরিনারিয়ান;
(ঙ) “পশুজাত পণ্য” অর্থ পশু বা পশুর মৃতদেহ হইতে, আংশিক বা সম্পূর্ণরূপে, সংগৃহীত বা প্রস্তুতকৃত যে কোন পণ্য এবং পশুর মাংস, রক্ত, হাড়, মজ্জা, দুধ বা দুগ্ধজাত পণ্য, ডিম, চর্বি, পশু হইতে উৎপাদিত খাদ্য সামগ্রী, বীর্ষ, ভ্রূণ, শিরা-উপশিরা, লোম, চামড়া, নাড়ি-ভুঁড়ি, এবং সরকার কর্তৃক, সরকারী গেজেটে প্রজ্ঞাপন দ্বারা, ঘোষিত পশুদেহের অন্য যে কোন অংশ বা পশুজাত পণ্যও উহার অন্তর্ভুক্ত হইবে।	
(চ) “ফৌজদারী কার্যবিধি” অর্থ The Code of Criminal Procedure, 1898 (Act V of 1898);	
(ছ) “মহাপরিচালক” অর্থ পশু সম্পদ অধিদপ্তরের মহাপরিচালক;	(ছ) “মহাপরিচালক” অর্থ প্রাণিসম্পদ অধিদপ্তরের মহাপরিচালক;
(জ) “মৃতদেহ” অর্থ কোন পশুর মৃতদেহ এবং ইহার যে কোন অংশও উহার অন্তর্ভুক্ত হইবে;	
(ঝ) “স্বাস্থ্যসনদ” অর্থ পশুর স্বাস্থ্য সম্পর্কে সজ্জনিরোধ কর্মকর্তা কর্তৃক ইস্যুকৃত স্বাস্থ্য সনদ;	
(ঞ) “রপ্তানি” অর্থ কোন পশু বা পশুজাত পণ্য জল, স্থল ও আকাশপথে বাংলাদেশ হইতে বিদেশে প্রেরণ;	
(ট) “রোগাক্রান্ত” অর্থ কোন সংক্রামক বা ছোঁয়াচে রোগে আক্রান্ত বা সরকার কর্তৃক, সময় সময়, সরকারী গেজেটে প্রজ্ঞাপন দ্বারা, ঘোষিত অন্য কোন রোগে আক্রান্ত;	(ট) “রোগাক্রান্ত পশু” অর্থ কোন সংক্রামক বা জুনোটিকসহ অন্য যে কোন রোগে আক্রান্ত বা একজন ভেটেরিনারিয়ানের অধীনে চিকিৎসাধীন কোন পশু;
(ঠ) “বিধি” অর্থ এই আইনের অধীন প্রণীত বিধি;	
(ড) “সজ্জনিরোধ কর্মকর্তা” অর্থ এই আইনের অধীন নিযুক্ত সজ্জনিরোধ কর্মকর্তা; এবং	(ড) “সজ্জনিরোধ কর্মকর্তা” অর্থ বিদ্যমান স্থলবন্দর বা নৌবন্দর বা সমুদ্র বন্দরে কর্মরত ভেটেরিনারি প্যাথোলোজিস্ট (নন-ক্যাডার) বা দায়িত্বপ্রাপ্ত কর্মকর্তা, যিনি বিসিএস (লাইভস্টক) ক্যাডারভুক্ত কর্মকর্তা হইবেন;
(ঢ) “সজ্জনিরোধ” অর্থ পশু রোগের প্রাদুর্ভাব বা বিস্তার রোধকল্পে পশু বা পশুজাত পণ্য স্বতন্ত্রীকরণ (isolation) এবং পরীক্ষার জন্য সরকার কর্তৃক অনুমোদিত কোন স্থান বা আঞ্জিনায় আমদানি বা রপ্তানির উদ্দেশ্যে উক্ত পশু বা পশুজাত পণ্য সজ্জনিরোধ কর্মকর্তা কর্তৃক নির্ধারিত সময় পর্যন্ত অন্তরীণ রাখা।	(ঢ) “সজ্জনিরোধ” অর্থে আমদানিকৃত বা রপ্তানির জন্য (ক) পশু রোগাক্রান্ত বা রোগাক্রান্ত হইবার সম্ভাবনা আছে কিনা বা (খ) পশুজাত পণ্য হইতে মানুষ বা পশুতে রোগ সংক্রামণে সক্ষম জীবানুর উপস্থিতি আছে কিনা তাহা পরীক্ষাপূর্বক নির্ধারিত

	<p>পদ্ধতিতে সজ্ঞানিরোধ সনদ প্রদানের জন্য সজ্ঞানিরোধ কেন্দ্রে বা অনুমোদিত সজ্ঞানিরোধের সুবিধা সম্বলিত কোন স্থানে বা আঞ্জিনায় ভেটেরিনারিয়ানের অধীনে নির্ধারিত সময় পর্যন্ত অন্তরীণ রাখা।</p>
<p>৩। পশু ও পশুজাত পণ্যের সজ্ঞানিরোধ, আমদানি ও রপ্তানি নিষিদ্ধ, ইত্যাদি।- <u>The Imports and Exports (Control) Act, 1950 (XXXIX of 1950)</u> এর অধীন সরকার কর্তৃক, সময় সময় জারীকৃত আমদানি বা রপ্তানি নীতি আদেশে বিধৃত শর্তে কোন পশু বা মানুষের রোগের কারণ হইতে পারে এইরূপ কোন পশু বা পশুজাত পণ্যের সজ্ঞানিরোধ, আমদানি বা রপ্তানি নিষিদ্ধ, সীমিত বা অন্য কোনভাবে নিয়ন্ত্রণ করা যাইবে।</p>	<p>৩। পশু ও পশুজাত পণ্যের সজ্ঞানিরোধ, আমদানি ও রপ্তানি নিষিদ্ধ, ইত্যাদি।-(১) এই আইন, আইনের অধীনে প্রণীত বিধির ও <u>The Imports and Exports (Control) Act, 1950 (XXXIX of 1950)</u> এর অধীন সরকার কর্তৃক, সময় সময় জারীকৃত আমদানি বা রপ্তানি নীতি আদেশে বিধৃত শর্তে কোন পশু বা মানুষের রোগের কারণ হইতে পারে এইরূপ কোন পশু বা পশুজাত পণ্যের সজ্ঞানিরোধ, আমদানি বা রপ্তানি নিষিদ্ধ, সীমিত বা অন্য কোনভাবে নিয়ন্ত্রণ করা যাইবে।</p> <p>(২) আইন বা আইনের অধীনে প্রণীত বিধি ও <u>The Imports and Exports (Control) Act, 1950 (XXXIX of 1950)</u> এর অধীন সরকার কর্তৃক, সময় সময় জারীকৃত আমদানি বা রপ্তানি নীতি আদেশের মধ্যে বিরোধের ক্ষেত্রে আইন ও এই বিধি প্রাধান্য পাইবে।</p>
	<p>৩ক। আমদানি ও রপ্তানি পূর্ব অনাপত্তিপত্র গ্রহন ইত্যাদি।-(১) মহাপরিচালক বা উপযুক্ত কর্তৃপক্ষের নিকট হইতে নির্ধারিত পদ্ধতিতে অনাপত্তিপত্র গ্রহণ ব্যতীত কোন ব্যক্তি বানিজ্যিক উদ্দেশ্যে বা গবেষণার জন্য পশু বা পশুজাত পণ্য আমদানি বা রপ্তানি করিতে পারিবেন না।</p> <p>(২) বাংলাদেশে গৃহপালিত পশু হিসাবে লালিত-পালিত হয় না বা হইতেছে না এইরূপ নূতন কোন পশু বা পশুর কোন নূতন জাত আমদানির জন্য অনুমতিপত্র প্রদানের ক্ষেত্রে সরকারের পূর্বানুমোদন গ্রহন করিতে হইবে।</p> <p>(৩) আমদানি বা রপ্তানির উদ্দেশ্য, প্রয়োজন এবং জনস্বাস্থ্য ও প্রাণিস্বাস্থ্য বিবেচনা করিয়া মহাপরিচালক বা উপযুক্ত কর্তৃপক্ষ আমদানি বা রপ্তানি জন্য পশুর সংখ্যা, উহার কোন প্রজাতি বা জাত এবং পশুজাত পণ্যের সংখ্যা বা পরিমাণ অনাপত্তিপত্রে নির্দিষ্ট করিয়া উল্লেখ করিবেন।</p>

	<p>(৪) ক্ষমতাপ্রাপ্ত কর্মচারী ইস্যুকৃত অনাপত্তিপত্র আবেদনকারী আমদানিকারক বা রপ্তানিকারককে তাহার আবেদনের প্রেক্ষিতে বা নিজ উদ্যোগে কারণ উল্লেখপূর্বক লিখিতভাবে অবহিত করিয়া যে কোন সময় উহা বাতিল বা সংশোধন করিতে পারিবেন, তবে অনাপত্তিপত্রের মেয়াদ দুইবারের বেশি সংশোধন করিতে পারিবেন না।</p> <p>(৫) আন্তর্জাতিক সংস্থাসমূহ, বাংলাদেশ যাহার সদস্য হিসাবে বা অন্য কোন দেশের সাথে সরকার কোন সমঝোতা স্মারক বা চুক্তির শর্ত হিসাবে বাধ্যবাধকতা থাকিলে বা বাধ্যবাধকতা শিথিল বা অবলোপন করা হইলে, মহাপরিচালক বা উপযুক্ত কর্তৃপক্ষ অনাপত্তিপত্র প্রদান এবং উহাতে কোন শর্ত আরোপ বা বাতিল বা পুনঃআরোপ করিবার ক্ষেত্রে উক্তরূপ বাধ্যবাধকতা বিবেচনায় লইতে পারিবেন।</p> <p>(৬) এই ধারায় যাহাই উল্লেখ থাকুক মহাপরিচালক বা উপযুক্ত কর্তৃপক্ষ অনধিক দুইটি পোষাপ্রাণি বা পারিবারিক পুষ্টির জন্য অনধিক দুইটি পশু বা অনধিক পাঁচ কিলোগ্রাম মাংস বা পাউডার দুধ নির্ধারিত শর্তে আমদানি করার অনুমতি প্রদান করিতে পারিবেন।”</p>
<p>৪। ধারা ৩ এর অধীন জারীকৃত প্রজ্ঞাপনের কার্যকরতা।- ধারা ৩ এর অধীন জারীকৃত প্রজ্ঞাপন এইরূপে কার্যকর হইবে যেন উহা <u>The Customs Act, 1969 (IV of 1969)</u>, অতঃপর এই ধারায় উক্ত Act বলিয়া উল্লিখিত, এর ধারা-১৬ এর অধীন জারী করা হইয়াছে, এবং উক্ত Act এর অধীন কোন পণ্য আমদানি বা রপ্তানির ক্ষেত্রে শুল্ক কর্মকর্তাদের, সময় সময়, বাধা-নিষেধ আরোপ করিবার যেই ক্ষমতা রহিয়াছে সেই একই ক্ষমতা উক্ত প্রজ্ঞাপনে উল্লিখিত পশু বা পশুজাত পণ্যের আমদানি বা রপ্তানির ক্ষেত্রে প্রয়োগ করা যাইবে, এবং উক্ত Act এর বিধানাবলী একইরূপে এই আইনের ক্ষেত্রেও বলবৎ থাকিবে।</p>	
<p>৫। আগমন বা বহির্গমন স্থান নির্ধারণ।- এই আইনের অধীন সজ্জনিরোধের উদ্দেশ্যে সরকার, সরকারী গেজেটে প্রজ্ঞাপন দ্বারা, পশু বা পশুজাত পণ্য আমদানি বা রপ্তানির ক্ষেত্রে আগমন বা বহির্গমন স্থান এবং উহার সীমা নির্ধারণ করিবে।</p>	
	<p>কে। সজ্জনিরোধ কেন্দ্র (Quarantine Centre) স্থাপন।- (১) সরকার নির্ধারিত পদ্ধতিতে এক বা একাধিক স্থানে সজ্জনিরোধ কেন্দ্র স্থাপন করিবে এবং স্থাপিত সজ্জনিরোধ কেন্দ্রে প্রয়োজনীয় কর্মকর্তা ও কর্মচারি নিয়োগ করিবে।</p>

	<p>(২) উপ-ধারা (১) এর অধীন নিযুক্ত সঞ্জানিরোধ কেন্দ্রের কর্মকর্তা ও কর্মচারীগণের চাকুরীর শর্তাদি সরকার কর্তৃক স্থিরীকৃত হইবে।</p> <p>(৩) উপ-ধারা (১) এর অধীন সঞ্জানিরোধ কেন্দ্রে কর্মকর্তা ও কর্মচারী নিয়োগ না হওয়া পর্যন্ত প্রাণিসম্পদ অধিদপ্তরের কর্মকর্তা ও কর্মচারীগণের মধ্য হইতে সরকার কর্তৃক মনোনীত কোন কর্মকর্তা ও কর্মচারী সঞ্জানিরোধ কেন্দ্রে দায়িত্ব পালন ও কার্য সম্পাদন করিবেন।</p>
	<p>৫খ। সঞ্জানিরোধ ব্যবস্থাপনা ও মেয়াদ।—(১) সঞ্জানিরোধ কর্মকর্তা, আমদানিকৃত সকল পশু বা পশুজাত পণ্য নির্ধারিত পদ্ধতিতে এবং মেয়াদে সঞ্জানিরোধে রাখিবার জন্য সঞ্জানিরোধ কেন্দ্রের উপযুক্ত কর্তৃপক্ষকে লিখিত আদেশ প্রদান করিবেন এবং প্রধান সঞ্জানিরোধ কর্মকর্তা ও আমদানিকারকে অবহিত করিবেন।</p> <p>(২) রপ্তানির জন্য পশু বা পশুজাত পণ্য, সঞ্জানিরোধ কর্মকর্তা বন্দর চত্বরে বা কনটেইনারে বা পরিবহনে থাকাকালীন পরিদর্শন এবং স্বাস্থ্যসনদ বা উপযুক্ততার সনদসহ আনুষঙ্গিক কাগজাদি বিবেচনা করিয়া সঞ্জানিরোধের প্রয়োজনীয়তা থাকিলে বা আমদানিকারী দেশের চাহিদা মোতাবেক সঞ্জানিরোধ না হইয়া থাকিলে নির্ধারিত পদ্ধতিতে সঞ্জানিরোধ করিবার জন্য সঞ্জানিরোধ কেন্দ্রের উপযুক্ত কর্তৃপক্ষকে লিখিত আদেশ প্রদান করিবেন এবং প্রধান সঞ্জানিরোধ কর্মকর্তা ও আমদানিকারকে অবহিত করিবেন।</p> <p>(৩) সঞ্জানিরোধ সনদের ফলাফলের উপর ভিত্তি করিয়া সঞ্জানিরোধ কর্মকর্তা —(ক) রোগাক্রান্ত না হইলে আমদানিকৃত পশু বা পশুজাতপণ্য আমদানিকারীর অনুকূলে ছাড় করিবার জন্য বা রপ্তানির ক্ষেত্রে জাহাজিকরণের জন্য অনাপত্তি প্রদান করিয়া কাস্টমস কর্তৃপক্ষকে লিখিতভাবে অবহিত করিবেন;</p> <p>(খ) পশু জুনোটিক রোগে বা সংক্রামক রোগে আক্রান্ত হইলে বা জুনোটিক বা সংক্রামক রোগ ব্যতিত অন্য কোনে রোগে আক্রান্ত হইলে বা পশুজাত</p>

	<p>পণ্যে জুনোটিক রোগে বা সংক্রামক রোগের জীবাণুর উপস্থিতি সনাক্তকৃত হইলে উক্তরূপ সকল পশু এবং পশুজাত পণ্য সরকারের অনুকূলে বাতিল করিয়া পরিবেশসম্মতভাবে ধ্বংস করিবেন;</p> <p>(গ) পশু জুনোটিক রোগে বা সংক্রামক রোগ ব্যতিত অন্য কোনে রোগে আক্রান্ত হইলে বা পশুজাত পণ্যে অনুরূপ রোগের জীবাণু সনাক্তকৃত হইলে চিকিৎসা বা জীবানুমুক্তকরণের পরামর্শ প্রদান করিয়া নিষ্পত্তি করিবেন।</p> <p>(ঘ) দফা (খ) এবং (গ) এর ক্ষেত্রে কারণ উল্লেখপূর্বক আমদানিকারক এবং কাস্টমস কর্তৃপক্ষকে অবহিত করিবেন।</p> <p>(৪) আইন বা বিধি বা অন্য কোন আইনে যাহাই থাকুক আমদানিকৃত বণ্যপ্রাণি এই ধারার অধীন সজ্ঞানিরোধ ব্যতিত আমদানিকারীর অনুকূলে ছাড়পত্র প্রদান করা যাইবে না।</p>
<p>৬। সজ্ঞানিরোধের জন্য পশু এবং পশুজাত পণ্য নিয়ন্ত্রণ।- সজ্ঞানিরোধের জন্য আটক সকল পশু এবং পশুজাত পণ্য সজ্ঞানিরোধ কর্মকর্তার নিয়ন্ত্রণে থাকিবে, এবং তিনি, নির্ধারিত পদ্ধতিতে, উক্ত পশু এবং পশুজাত পণ্যের সজ্ঞানিরোধ সম্পর্কে ব্যবস্থা গ্রহণ করিবেন।</p>	<p>৬। সজ্ঞানিরোধের জন্য পশু এবং পশুজাত পণ্য নিয়ন্ত্রণ ।- সজ্ঞানিরোধের জন্য আটক সকল পশু এবং পশুজাত পণ্য প্রধান সজ্ঞানিরোধ কর্মকর্তার নিয়ন্ত্রণে থাকিবে, এবং তিনি, নির্ধারিত পদ্ধতিতে, উক্ত পশু এবং পশুজাত পণ্যের সজ্ঞানিরোধ সম্পর্কে ব্যবস্থা গ্রহণ করিবেন।</p>
<p>৭। সজ্ঞানিরোধ কর্মকর্তার ক্ষমতা ও কার্যাবলী।- এই আইনের অন্যান্য বিধান সাপেক্ষে, সজ্ঞানিরোধ কর্মকর্তার ক্ষমতা ও কার্যাবলী হইবে নিম্নরূপ, যথা:-</p> <p>(ক) সজ্ঞানিরোধের জন্য পশু বা পশুজাত পণ্য আটক;</p> <p>(খ) সজ্ঞানিরোধের জন্য আটক পশু ও পশুজাত পণ্য পরিদর্শন;</p> <p>(গ) সজ্ঞানিরোধের সময়সীমা নির্ধারণ;</p> <p>(ঘ) সজ্ঞানিরোধব্যবস্থা হইতে পশু ও পশুজাত পণ্য মুক্তকরণ;</p> <p>(ঙ) নির্ধারিত পরীক্ষা-নিরীক্ষা সম্পন্নের জন্য যথাযথ আদেশ দান;</p> <p>(চ) সজ্ঞানিরোধের জন্য আটক পশুর স্বাস্থ্যসনদ ইস্যুকরণ;</p> <p>(জ) রোগাক্রান্ত পশু ও পশুজাত পণ্যের সংস্পর্শে আসিয়াছে এমন পশুর গাত্রাবরণ, মলমূত্র, সরঞ্জামাদি, ঘাস, খড় ও খাঁচা অপসারণের আদেশ দান;</p> <p>(ঝ) পশু ও পশুজাত পণ্য পরিবহনের কার্যে ব্যবহৃত কোন যানবাহন বা আঞ্জিনা জীবাণুমুক্তকরণের ব্যবস্থা গ্রহণ;</p> <p>(ঞ) ভ্রমণের অযোগ্য পশু রপ্তানির উপর নিষেধাজ্ঞা আরোপ;</p> <p>(ট) আমদানি বা রপ্তানির উদ্দেশ্যে পরিবহনকালে ভ্রমণ বিরতির সময় পশু বা পশুজাত পণ্য পরিদর্শন ও তজ্জসংক্রান্ত সনদপত্র প্রদান;</p> <p>(ঠ) সরকার কর্তৃক নিষিদ্ধ ঘোষিত পশু বা পশুজাত পণ্য আমদানির ক্ষেত্রে উক্ত পশু বা পশুজাত পণ্য আমদানিকারকের নিজ খরচে উহা</p>	<p>৭। প্রধান সজ্ঞানিরোধ কর্মকর্তার ক্ষমতা ও কার্যাবলী।- (১) প্রধান সজ্ঞানিরোধ কর্মকর্তা এই আইনের অধীন সকল ক্ষমতা প্রয়োগ ও কার্যাবলী নিষ্পন্ন করিতে পারিবেন এবং সারা বাংলাদেশ তাহার অধিক্ষেত্র হইবে।</p> <p>(২) এই আইনের উদ্দেশ্য পূরণকল্পে প্রধান সজ্ঞানিরোধ কর্মকর্তা উহার যে কোনো ক্ষমতা ও কার্যাবলী সম্পাদনের জন্য অধিক্ষেত্র উল্লেখ করিয়া সজ্ঞানিরোধ কর্মকর্তা বা উপযুক্ত কর্তৃপক্ষকে অর্পণ করিতে পারিবেন।</p>

ফেরত প্রদান বা নির্ধারিত পদ্ধতিতে নিষ্পত্তির আদেশ দান; এবং	
(ড) উপরি-উক্ত দায়িত্ব ও কর্তব্য সুষ্ঠুভাবে সম্পাদনের জন্য প্রয়োজনীয় অন্য যে কোন ব্যবস্থা গ্রহণ।	
৮। সঞ্চারিত কর্মকর্তা ও কর্মচারী নিয়োগ, ইত্যাদি।- (১) এই আইনের অধীন প্রদত্ত কার্যাবলী সুষ্ঠুভাবে সম্পাদনের জন্য সরকার পশু সম্পদ অধিদপ্তরের অধীন প্রয়োজনীয় সংখ্যক সঞ্চারিত কর্মকর্তা ও কর্মচারী নিয়োগ করিবে।	
(২) উপ-ধারা (১) এর অধীন নিযুক্ত সঞ্চারিত কর্মকর্তা ও কর্মচারীগণের চাকুরীর শর্তাদি সরকার কর্তৃক স্থিরীকৃত হইবে।	
(৩) উপ-ধারা (১) এর অধীন সঞ্চারিত কর্মকর্তা ও কর্মচারী নিয়োগ না হওয়া পর্যন্ত পশুসম্পদ অধিদপ্তরের কর্মকর্তা ও কর্মচারীগণের মধ্য হইতে সরকার কর্তৃক মনোনীত কোন কর্মকর্তা ও কর্মচারী সঞ্চারিত কর্মকর্তা ও কর্মচারী হিসাবে দায়িত্ব পালন ও কার্যসম্পাদন করিবে।	
৯। আমদানিকারক কর্তৃক আমদানির বিষয়ে অবহিতকরণ।- প্রত্যেক আমদানিকারক কোন পশু ও পশুজাত পণ্য আমদানির ক্ষেত্রে উক্ত আমদানির অন্তর্গত ১৫ (পনের) দিন পূর্বে উক্ত আমদানিতব্য পশু বা পশুজাত পণ্য সম্পর্কে সঞ্চারিত কর্মকর্তাকে নির্ধারিত পদ্ধতিতে অবহিত করিবে।	৯। আমদানিকারক কর্তৃক আমদানির বিষয়ে অবহিতকরণ।-প্রত্যেক আমদানিকারক কোন পশু ও পশুজাত পণ্য আমদানির ক্ষেত্রে উহা বন্দরে পৌঁছবার ন্যূনতম ১৫ (পনের) দিন পূর্বে উক্ত আমদানিতব্য পশু বা পশুজাত পণ্য সম্পর্কে সঞ্চারিত কর্মকর্তাকে নির্ধারিত পদ্ধতিতে অবহিত করিবেন।
	৯ক। পরিদর্শন, পরীক্ষা ও নমুনা সংগ্রহ, ইত্যাদি।- (১) সঞ্চারিত কর্মকর্তা, ক্ষেত্রমতে উপযুক্ত কর্তৃপক্ষ আমদানিকৃত বা রপ্তানির জন্য পশু বা পশুজাত পণ্য, উহাদের বাহন, গুদাম বা কনটেইনার ও উহার অভ্যন্তরস্থ দ্রব্যাদি নির্ধারিত পদ্ধতিতে পরিদর্শন, নমুনা সংগ্রহ ও উহা পরীক্ষা করিতে পারিবেন এবং প্রয়োজনে শোধনপূর্বক, ছাড়করণের ব্যবস্থা গ্রহণ করিবেন। (২) সঞ্চারিত কর্মকর্তার, ক্ষেত্রমতে উপযুক্ত কর্তৃপক্ষের আদেশ মোতাবেক আমদানিকৃত বা রপ্তানির জন্য পশু বা পশুজাত পণ্য বা উহাদের আমদানিকারক, বহনকারী বা গুদামজাতকারী বা বাহনের দায়িত্বপ্রাপ্ত ব্যক্তি সংশ্লিষ্ট গুদাম বা কনটেইনার, বাহন ও উহার অভ্যন্তরস্থ পশু বা পশুজাত পণ্য পরিদর্শন এবং প্রয়োজনে শোধনের জন্য উন্মুক্ত করিয়া দিতে বাধ্য থাকিবেন। (৩) আমদানিকারক বা রপ্তানিকারক, সঞ্চারিত কর্মকর্তা, ক্ষেত্রমতে উপযুক্ত কর্তৃপক্ষের চাহিদা অনুযায়ী, আমদানিকৃত রপ্তানির জন্য পশু বা পশুজাত পণ্য দ্রব্যাদি পরীক্ষা ও উহা হইতে নমুনা সংগ্রহ করিবার অনুমতি প্রদানে বাধ্য থাকিবেন এবং নমুনা বাবদ কোন মূল্য দাবী করিতে পারিবেন না।

	<p>৯খ। কন্টেইনার স্থানান্তর।- সজ্ঞানিরোধ কর্মকর্তার নিকট পরীক্ষাধীন পশু বা পশুজাত পণ্য তাহার অনুমতি ব্যতীত স্থানান্তরিত করা যাইবে না বা কোনো কন্টেইনার খোলা যাইবে না:</p> <p>তবে শর্ত থাকে যে, শুল্ক কর্মকর্তার কার্য নির্বাহের জন্য উক্ত বিধানটি শিথিলযোগ্য হইবে।</p>
	<p>৯গ। সজ্ঞানিরোধ কর্মকর্তার নিকট ঘোষণা প্রদান।-</p> <p>(১) কোনো ব্যক্তি তাহার সম্মতিক্রমে বা অসম্মতিতে কোনো পশু বা পশুজাত পণ্য বাংলাদেশের বাহির হইতে প্রাপ্ত হইলে, তিনি বা সংশ্লিষ্ট বন্দর কর্তৃপক্ষের দায়িত্বপ্রাপ্ত কর্মকর্তা বা কাস্টমস কর্মকর্তা নিকটস্থ সজ্ঞানিরোধ কর্মকর্তা বা উপযুক্ত কর্তৃপক্ষের নিকট উক্ত বিষয়ে ঘোষণা প্রদান করিবেন।</p> <p>(২) সজ্ঞানিরোধ কর্মকর্তা বা উপযুক্ত কর্তৃপক্ষ উপ-ধারা (১) এ উল্লিখিত পশু বা পশুজাত পণ্য পরিদর্শন ও পরীক্ষান্তে বিধিমাতে উহা সরকারের অনুকূলে বাজেয়াপ্তক্রমে ছাড়করণ বা ধারা ৫খ এর উপধারা (৩) দফা (খ) বা (গ) অনুসারে বা বিধি মোতাবেক নিষ্পত্তি করিবার ব্যবস্থা গ্রহণ করিবেন।</p>
<p>১০। বাজেয়াপ্তযোগ্য পশু ও পশুজাত পণ্য, ইত্যাদি।- যদি আমদানিকৃত কোন পশু বা পশুজাত পণ্য সজ্ঞানিরোধ কর্মকর্তা কর্তৃক সজ্ঞানিরোধের সময় নির্ধারিত পরীক্ষা সম্পাদনের পর-</p>	<p>১০। সংক্রামিত পশু ও পশুজাত পণ্যের সংস্পর্শে আসা পশু ও পশুজাত পণ্য, ইত্যাদি।-(১) যদি আমদানিকৃত কোন পশু জুনোটিক বা সংক্রামক রোগে আক্রান্ত বা কোন পশুজাত পণ্যে জুনোটিক বা সংক্রামক রোগের জীবাণু সনাক্তকৃত হয়, তবে উক্তরূপ পশু বা পশুজাত পণ্যের সংস্পর্শে আসা সকল পশু বা পশুজাত পণ্য সজ্ঞানিরোধ কর্মকর্তা ধারা ৫খ এর উপধারা (৩) দফা (খ) বা (গ) অনুসারে বা বিধি মোতাবেক নিষ্পত্তি করিবার ব্যবস্থা গ্রহণ করিবেন।</p>
<p>(ক) উক্ত পশু রোগাক্রান্ত বলিয়া সনাক্ত হয়, এবং উক্ত রোগ চিকিৎসা সেবার মাধ্যমে রোগমুক্ত করা সম্ভব না হয়; বা</p> <p>(খ) উক্ত পশুজাত পণ্য সংক্রামিত বলিয়া সনাক্ত হয় এবং উহা মানুষের বা পশুর খাদ্য বা ব্যবহারের অনুপযোগী হয়; তাহা হইলে রোগাক্রান্ত বলিয়া সনাক্তকৃত উক্ত পশু বা রোগাক্রান্ত পশুর সংস্পর্শে আসিয়াছে এইরূপ পশুর গাত্রাবরণ, মলমূত্র, সরঞ্জামাদি, ঘাস, খড়, খাঁচা বা অন্যান্য দ্রব্য বা উক্ত পশুজাত পণ্য বাজেয়াপ্তযোগ্য হইবে।</p>	<p>(২) উক্তরূপে রোগাক্রান্ত পশুর সংস্পর্শে আসিয়াছে এইরূপ পশুর গাত্রাবরণ, মলমূত্র, সরঞ্জামাদি, ঘাস, খড়, খাঁচা বা অন্যান্য দ্রব্য বা উক্ত পশুজাত পণ্য বাজেয়াপ্তযোগ্য এবং ধ্বংস করিতে হইবে।”</p>
<p>১১। বাজেয়াপ্তকৃত পশু, ইত্যাদির নিষ্পত্তি বা বিলি-বন্দেজ।- ধারা ১০ এর অধীন বাজেয়াপ্তযোগ্য পশু ও পশুজাত পণ্য বা পশুর গাত্রাবরণ, মলমূত্র, সরঞ্জামাদি, ঘাস, খড় ও খাঁচা বাজেয়াপ্তির আদেশ প্রদানের সঙ্গে সঙ্গে উহা সংশ্লিষ্ট জেলা পশুসম্পদ কর্মকর্তার নিকট হস্তান্তর করিতে হইবে এবং তিনি, নির্ধারিত পদ্ধতিতে, উহা ব্যবহার, হস্তান্তর, ধ্বংস বা অপসারণের বা অন্য কোন পদ্ধতিতে উহা নিষ্পত্তি বা বিলি-বন্দেজের ব্যবস্থা গ্রহণ করিবেন।</p>	

<p>১২। পশু বা পশুজাত পণ্যের রপ্তানির বিধান।- কোন পশু বা পশুজাত পণ্য রপ্তানির ক্ষেত্রে সজ্ঞানিরোধের জন্য পালনীয় শর্তাবলী বিধি দ্বারা নির্ধারিত হইবে।</p>	
<p>১৩। বৈধ আমদানি লাইসেন্স ব্যতিরেকে আমদানিকৃত পশু বা পশুজাত পণ্য সম্পর্কিত বিধান।- যদি বৈধ আমদানি লাইসেন্স এবং স্বাস্থ্য সনদ ব্যতিরেকে কোন পশু বা পশুজাত পণ্য আমদানি করা হয় এবং যদি উক্ত পশু সংক্রামক ছোঁয়াচে রোগে আক্রান্ত না হয়, বা পশুজাত পণ্য যদি সংক্রামিত না হয়, তাহা হইলে সরকার, নির্ধারিত পদ্ধতিতে উহা নিষ্পত্তি করিতে পারিবে।</p>	<p>১৩। বৈধ অনুমতিপত্র ব্যতিরেকে আমদানিকৃত পশু বা পশুজাত পণ্য সম্পর্কিত বিধান।- যদি বৈধ অনুমতিপত্র ও স্বাস্থ্য সনদ ব্যতিরেকে কোন পশু বা উপযুক্ততা সনদ ব্যতীত পশুজাত পণ্য আমদানি করা হয় বা আমদানির পক্ষে আমদানিকারী কোন উপযুক্ত কাগজাদি উপস্থাপন করিতে না পারেন তবে ধারা ২১ এর অতিরিক্ত হিসাবে আমদানিকৃত পশু বা পশুজাত পণ্য সজ্ঞানিরোধ কর্মকর্তা বা উপযুক্ত কর্তৃপক্ষ উহা দখলে গ্রহন করিয়া সরকারের অনুকূলে বাজেয়াপ্ত করিবেন এবং আইন ও বিধি অনুসারে নিষ্পন্ন করিবেন।”</p>
<p>১৪। প্রশাসনিক আদেশের বিরুদ্ধে আপীল, ইত্যাদি।- (১) এই আইনের উদ্দেশ্যপূরণকল্পে, মহাপরিচালক বা সজ্ঞানিরোধ কর্মকর্তা কর্তৃক প্রদত্ত কোন আদেশ বা নির্দেশের দ্বারা যদি কোন ব্যক্তি ক্ষতিগ্রস্ত বা সংক্ষুব্ধ হন, তাহা হইলে উক্ত ক্ষতিগ্রস্ত বা সংক্ষুব্ধ ব্যক্তি অনুরূপ আদেশ বা নির্দেশ প্রদানের তারিখের ৩০ (ত্রিশ) দিনের মধ্যে প্রতিকার লাভের উদ্দেশ্যে-</p>	<p>“১৪। প্রশাসনিক আদেশের বিরুদ্ধে আপীল, ইত্যাদি।-(১) এই আইনের উদ্দেশ্যপূরণকল্পে, মহাপরিচালক বা সজ্ঞানিরোধ কর্মকর্তা বা উপযুক্ত কর্তৃপক্ষ কর্তৃক প্রদত্ত কোন আদেশ বা নির্দেশের দ্বারা যদি কোন ব্যক্তি ক্ষতিগ্রস্ত বা সংক্ষুব্ধ হন, তাহা হইলে উক্ত ক্ষতিগ্রস্ত বা সংক্ষুব্ধ ব্যক্তি অনুরূপ আদেশ বা নির্দেশ প্রদানের তারিখের ৩০ (ত্রিশ) দিনের মধ্যে প্রতিকার লাভের উদ্দেশ্যে-</p>
<p>(ক) আদেশটি যদি মহাপরিচালক কর্তৃক প্রদান করা হইয়া থাকে, তাহা হইলে সরকারের নিকট; এবং</p>	<p>(ক) আদেশটি যদি মহাপরিচালক কর্তৃক প্রদান করা হইয়া থাকে, তাহা হইলে সরকারের নিকট; এবং</p>
<p>(খ) আদেশটি যদি সজ্ঞানিরোধ কর্মকর্তা কর্তৃক প্রদান করা হইয়া থাকে, তাহা হইলে মহাপরিচালকের নিকট আপীল করিতে পারিবেন।</p>	<p>(খ) আদেশটি যদি সজ্ঞানিরোধ কর্মকর্তা বা উপযুক্ত কর্তৃপক্ষ কর্তৃক প্রদান করা হইয়া থাকে, তাহা হইলে মহাপরিচালকের নিকট আপীল করিতে পারিবেন।</p>
<p>(২) উপ-ধারা (১) এর অধীন কোন আপীল দাখিল হইলে, উহা দাখিলের অনধিক ৯০ (নব্বই) দিনের মধ্যে নিষ্পত্তি করিতে হইবে।</p>	<p>(২) উপ-ধারা (১) এর অধীন কোন আপীল দাখিল হইলে, উহা দাখিলের অনধিক ৯০ (নব্বই) দিনের মধ্যে নিষ্পত্তি করিতে হইবে।”</p>
	<p>১৪ক। ফি, মূল্য বাবদ আদায় ইত্যাদি।-(১) সরকার গেজেট নোটিফিকেশন এর মাধ্যমে এই আইনের উদ্দেশ্যে কোন পশু বা পশুজাত পণ্য সজ্ঞানিরোধ, পরিবহন, পরীক্ষা, সংরক্ষণ ও চিকিৎসা, স্বাস্থ্য সনদ বা উপযুক্ততার সনদ বাবদ ফি নির্ধারণ বা পুণঃ নির্ধারণ করিবে। (২) সজ্ঞানিরোধকালীন ব্যবহৃত ঔষধ বা টিকা বা পশুখাদ্য বা পশু যানবাহনে উত্তোলন ও অবতরণ করিবার জন্য শ্রমিকের মজুরি বাবদ প্রকৃত ব্যয়ের অর্থ সংশ্লিষ্ট আমদানিকারী বা রপ্তানিকারীর নিকট হইতে বিধিমাতে আদায় করিতে পারিবে। (৩) বলবৎ অন্য আইনে বা বিধিতে বাধ্যবাকতা</p>

	থাকিলে ফি বা প্রকৃত ব্যয়ের সহিত আয়কর বা বা ভ্যাট (Value Added Tax) আদায়যোগ্য হইবে।
	<p>১৪খ। প্রশাসনিক জরিমানা।- প্রধান সজ্ঞানিরোধ কর্মকর্তা বা সজ্ঞানিরোধ কর্মকর্তা বা উপযুক্ত কর্তৃপক্ষ কোন ব্যক্তিকে নিচে বর্ণিত কাজের জন্য অনধিক অনধিক পাঁচ লক্ষ টাকা তবে কোনভাবেই বিশ হাজার টাকার নিচে নহে প্রশাসনিক জরিমানা করিতে পারিবেন-</p> <p>(ক) কোনো সজ্ঞানিরোধ কর্মকর্তা বা উপযুক্ত কর্তৃপক্ষকে দায়িত্ব পালনে বাধা প্রদান করিলে, প্রতিরোধ করিলে অথবা ভীতি প্রদর্শন করিলে;</p> <p>(খ) এই আইনের বিধান অনুযায়ী প্রদত্ত আদেশ ও নির্দেশনা প্রতিপালনে অস্বীকার করিলে অথবা অবজ্ঞা করিলে;</p> <p>(গ) আমদানি অনুমতিপত্র বা ছাড়পত্র সংগ্রহের উদ্দেশ্যে মিথ্যা তথ্য প্রদান করিলে;</p> <p>(ঘ) ধারা ৯খ এর অধীন প্রদত্ত নির্দেশ অমান্য বা অগ্রাহ্য করিলে;</p> <p>(ঙ) ধারা ৯গ এর বিধান লঙ্ঘন করিলে;</p> <p>(চ) উপযুক্ত কর্তৃপক্ষ বা সজ্ঞানিরোধ কর্মকর্তার নিকট উপস্থাপিত অথবা তদ্বিকৃত জারিকৃত কোনো দলিলের পরিবর্তন বা বিকৃত করিলে।”</p>
১৫। দায়মুক্তি।- এই আইন বা বিধির অধীনে সরল বিশ্বাসে কৃত কোন কাজের ফলে কোন ব্যক্তি ক্ষতিগ্রস্ত হইলে তজ্জন্য সরকার, মহাপরিচালক, সজ্ঞানিরোধ কর্মকর্তা বা তাহার অধীনস্থ কোন কর্মকর্তা বা কর্মচারী বা কোন ব্যক্তির বিরুদ্ধে দেওয়ানী বা ফৌজদারী মামলা বা অন্য কোন আইনগত কার্যধারা গ্রহণ করা যাইবে না।	উক্ত আইনের ধারা ১৫ এর দ্বিতীয় লাইনে “সজ্ঞানিরোধ কর্মকর্তা বা” এর পরে “ বা উপযুক্ত কর্তৃপক্ষ” সন্নিবেশ হইবে।
১৬। অব্যাহতি।- সরকার, সরকারী গেজেটে প্রজ্ঞাপন দ্বারা, কোন পশু শ্রেণী বা পশু বা পশুজাত পণ্যকে এই আইনের সকল বা যে কোন বিধানের কার্যকরতা হইতে, উক্ত প্রজ্ঞাপনে উল্লিখিত শর্তে, অব্যাহতি দিতে পারিবেন।	
১৭। কোম্পানী ইত্যাদি কর্তৃক অপরাধ সংঘটন।- কোন কোম্পানী কর্তৃক এই আইনের অধীন কোন অপরাধ সংঘটিত হইলে উক্ত অপরাধের সহিত প্রত্যক্ষ সংশ্লিষ্টতা রহিয়াছে কোম্পানীর এমন প্রত্যেক পরিচালক, ম্যানেজার, সচিব, অংশীদার, কর্মকর্তা এবং কর্মচারী উক্ত অপরাধ সংঘটন করিয়াছেন বলিয়া গণ্য হইবেন, যদি না তিনি প্রমাণ করিতে পারেন যে, উক্ত অপরাধ তাহার অজ্ঞাতসারে সংঘটিত হইয়াছে অথবা উক্ত অপরাধ রোধ করিবার জন্য তিনি যথাসাধ্য চেষ্টা করিয়াছেন।	
ব্যাখ্যা-এই ধারায়-	
(ক) “কোম্পানী” বলিতে কোন বাণিজ্যিক প্রতিষ্ঠান, অংশীদারী কারবার, সমিতি, সংঘ এবং সংগঠনও অন্তর্ভুক্ত; এবং	
(খ) বাণিজ্যিক প্রতিষ্ঠানের ক্ষেত্রে “পরিচালক” বলিতে উহার কোন	

অংশীদার বা পরিচালনা বোর্ডের সদস্যকেও বুঝাইবে	
১৮। অপরাধ বিচারার্থ গ্রহণ। - সজ্ঞানিরোধ কর্মকর্তা লিখিত অভিযোগ ব্যতীত কোন আদালত এই আইনের অধীন কোন মামলা বিচারার্থ গ্রহণ করিবেন না।	১৩। ২০০৫ সনের ৬ নং আইনের ১৮ ধারায় “উপযুক্ত কর্তৃপক্ষ বা” সন্নিবেশ।-উক্ত আইনের ধারা ১৮এর প্রথম লাইনে “সজ্ঞানিরোধ কর্মকর্তার” এর পূর্বে “উপযুক্ত কর্তৃপক্ষ বা” সন্নিবেশ হইবে।
১৯। ম্যাজিস্ট্রেট কর্তৃক অপরাধ বিচার, ইত্যাদি। -এই আইনের অধীন অপরাধসমূহ প্রথম শ্রেণীর ম্যাজিস্ট্রেট বা, ক্ষেত্রমত, মেট্রোপলিটান ম্যাজিস্ট্রেট কর্তৃক বিচার্য হইবে।	
২০। দণ্ড। - যদি কোন ব্যক্তি এই আইন বা বিধির কোন বিধান লংঘন করেন বা এই আইন বা বিধির অধীন প্রাপ্ত নোটিশ অনুযায়ী দায়িত্ব সম্পাদনে বা নির্দেশ পালনে ব্যর্থ হন, তাহা হইলে তিনি অনুরূপ লংঘন বা ব্যর্থতার দায়ে অনূর্ধ্ব ২ (দুই) বৎসর কারাদণ্ড, বা অনূর্ধ্ব ১০,০০০ (দশ হাজার) টাকা অর্থদণ্ড, বা উভয় দণ্ডে দণ্ডনীয় হইবেন।	২০। দণ্ড। - (১) যদি বৈধ অনুমতিপত্র ও স্বাস্থ্য সনদ ব্যতিরেকে কোন পশু বা উপযুক্ততা সনদ ব্যতীত পশুজাত পণ্য আমদানি করা হয় বা আমদানির পক্ষে আমদানিকারী কোন উপযুক্ত কাগজাদি উপস্থাপন করিতে না পারেন বা কোন ব্যক্তি এইরূপ পশু বা পশুজাত পণ্য মজুদ, বহন বা বিক্রয় করিলে, উহা হইবে একটি অপরাধ এবং তজ্জন্য তিনি অনূন ১ (এক) বৎসর এবং অনূর্ধ্ব ৭ (সাত) বৎসর সশ্রম কারাদণ্ড অথবা অনধিক ৫ (পাঁচ) লক্ষ টাকা অর্থদণ্ড বা উভয় দণ্ডে দণ্ডনীয় হইবেন। (২) কোনো ব্যক্তি উপ-ধারা (১) এ উল্লিখিত কোনো পশু বা পশুজাত পণ্য তাহার অধিকার, তত্ত্বাবধান বা নিয়ন্ত্রণে রাখিলে অথবা বিক্রয়ের উদ্দেশ্যে বিজ্ঞাপন প্রচার, বিতরণ বা পরিবহণ করিলে, উহা হইবে একটি অপরাধ এবং তজ্জন্য তিনি অনূন ১ (এক) বৎসর এবং অনূর্ধ্ব ৭ (সাত) বৎসর সশ্রম কারাদণ্ড অথবা অনধিক ৫ (পাঁচ) লক্ষ টাকা অর্থদণ্ড বা উভয় দণ্ডে দণ্ডনীয় হইবেন।
২১। আপীল। - এই আইনের অধীন প্রথম শ্রেণীর ম্যাজিস্ট্রেট বা, ক্ষেত্রমত, মেট্রোপলিটান ম্যাজিস্ট্রেট কর্তৃক প্রদত্ত কোন রায় বা আদেশের বিরুদ্ধে এখতিয়ার সম্পন্ন দায়রা আদালতে আপীল করা যাইবে।	
২২। ফৌজদারী কার্যবিধির প্রয়োগ। -এই আইনের বিধানাবলীর সহিত অসংগতিপূর্ণ না হওয়া সাপেক্ষে, এই আইনের অধীন অপরাধের তদন্ত, বিচার, আপীল ও অন্যান্য সংশ্লিষ্ট বিষয়ে ফৌজদারী কার্যবিধি প্রযোজ্য হইবে।	
২৩। অপরাধের আমলঅযোগ্যতা ও জামিনযোগ্যতা। -এই আইনের অধীন অপরাধসমূহ আমলঅযোগ্য (non-cognizable) ও জামিনযোগ্য (bailable) হইবে।	
২৪। বিধি প্রণয়নের ক্ষমতা। - (১) এই আইনের উদ্দেশ্য পূরণকল্পে সরকার, সরকারী গেজেটে প্রজ্ঞাপন দ্বারা, বিধিমালা প্রণয়ন করিতে পারিবে।	
(২) উপ-ধারা (১) এর অধীন প্রদত্ত ক্ষমতার সামগ্রিকতাকে ক্ষুণ্ণ না করিয়া, উক্ত বিধিতে নিম্নবর্ণিত সকল বা যে কোন বিষয়ে বিধি প্রণয়ন করা যাইতে পারে, যথা:-	

(ক) পশু ও পশুজাত পণ্য আমদানির পূর্বে, আমদানিকালে বা আমদানির পরে পালনীয় শর্তাবলী নির্ধারণ;	
(খ) পশু ও পশুজাত পণ্যের অবতরণ, পরিদর্শন, সজানিরোধ, বাজেয়াপ্তকরণ, আটক এবং পশুর চিকিৎসা সেবার পদ্ধতি নির্ধারণ;	
(গ) রোগ সনাক্তকরণের নিমিত্ত যথাযথ পরীক্ষা পদ্ধতি নির্ধারণ;	
(ঘ) পশু আমদানি বা রপ্তানির ক্ষেত্রে স্বাস্থ্যসনদের জন্য ফরম ও ফিস নির্ধারণসহ স্বাস্থ্যসনদ প্রদানের প্রয়োজনে প্রদত্ত চিকিৎসা সেবা বা প্রতিষেধক টিকাদানের ফিস নির্ধারণ;	
(ঙ) পশুজাত পণ্যের আমদানি বা রপ্তানির ক্ষেত্রে উপযুক্ততার সনদের জন্য ফরম ও ফিস নির্ধারণ;	
(চ) আমদানি ও রপ্তানির উদ্দেশ্যে আগমন ও বহির্গমন স্থানের সীমা নির্ধারণ;	
(ছ) পশু ও পশুজাত পণ্যের সজানিরোধ ব্যয়ের হার ও উহা আদায়ের পদ্ধতি নির্ধারণ;	
(জ) সজানিরোধের সহিত সংশ্লিষ্ট সকল আঞ্জিনা, যানবাহন ও অন্যান্য স্থান পরিষ্কার ও জীবাণুমুক্তকরণের পদ্ধতি নির্ধারণ; এবং	
(ঝ) আমদানিকৃত পশু সনাক্তকরণের পদ্ধতি নির্ধারণ।	
২৫। ইংরেজীতে অনুদিত পাঠ প্রকাশ।-এই আইন প্রবর্তনের পর সরকার, সরকারী গেজেটে প্রজ্ঞাপন দ্বারা, এই আইনের ইংরেজীতে অনুদিত একটি নির্ভরযোগ্য পাঠ প্রকাশ করিবে, যাহা এই আইনের অনুমোদিত ইংরেজী পাঠ (Authentic English Text) নামে অভিহিত হইবে:	
তবে শর্ত থাকে যে, এই আইন ও উক্ত ইংরেজী পাঠের মধ্যে বিরোধের ক্ষেত্রে এই আইন প্রাধান্য পাইবে।	
২৬। রহিতকরণ ও হেফাজত।- (১) The Livestock Importation Act, 1898 (Act IX of 1898) এতদ্বারা রহিত করা হইল।	
(২) উক্তরূপ রহিতকরণ সত্ত্বেও, এই আইন কার্যকর হওয়ার অব্যবহিতপূর্বে রহিতকৃত Act এর অধীন কোন কার্য বা কার্যধারা নিষ্পন্নাদীন থাকিলে, উক্ত কার্য বা কার্যধারা উক্ত Act এর বিধান অনুসারে এইরূপে নিষ্পত্তি করিতে হইবে, যেন এই আইন কার্যকর হয় নাই।	